

Broj: 03-45-2161/23
Sarajevo, 22.11. 2023.godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno	05-12-2023		
Org. Jeo.	Priloga	Vrijednost	
05/1	02-	167	23

Parlament Federacije Bosne i Hercegovine
Predstavnički dom
n/r poslanika Amira Čavalić

PREDMET: Odgovor na poslaničku inicijativu, dostavlja se

U vezi poslaničke inicijative za dopunu Zakon o sprečavanju sukoba interesa u organima vlasti Federacije BiH kroz propisivanje dodatnih zabrana za nosioce javnih funkcija koje bi se odnosile na zabranu obnašanje funkcije vršioca dužnosti ili izvršnih direktora u javnim preduzećima, koju nam je na nadležno postupanje dostavila Vlada Federacije Bosne i Hercegovine, aktom broj: 03-02-96-5-31/23 od 27.06.2023.godine, Federalno ministarstvo pravde dostavlja slijedeći odgovor:

U vezi sa navedenim informišemo Vas da je Vlada Federacije Bosne i Hercegovine, kao oblašteni predlagač, na 328. sjednici održanoj 25.08.2022.godine, utvrdila je Nacrt zakona o sprečavanju sukoba interesa u organima vlasti u Federaciji Bosne i Hercegovine i isti uputila u parlamentarnu proceduru. Predstavnici Federalnog ministarstva pravde zajedno sa nevladinim organizacijama, u saradnji sa Lucid Linx menadžment konsalting kompanijom koja okuplja interdisciplinarni tim bosanskohercegovačkih i međunarodnih stručnjaka, uz podršku Britanske ambasade u Sarajevu, radili su na unapređenje propisa o sukobu interesa u sklopu projekta podrške Vladi Federacije Bosne i Hercegovine i Vladi Republike Srpske u borbi protiv korupcije i kao rezultat tog rada pripremljen je ovaj Nacrt zakona o sprječavanju sukoba interesa u organima vlasti u Federaciji Bosne i Hercegovine, u koji su ugrađena najbolja rješenja i ključni principi međunarodne prakse koji bi bili primjenjivi u Federaciji Bosne i Hercegovine.

Formiranje nove vlasti iz parlamentarne procedure povučen je navedeni zakon radi eventualnog dodatnog poboljšanja i unapređenja ponuđenih rješenja.

U političkom dijalogu Vlade Federacije BiH sa Delegacijom Evropske unije u dijelu koji se odnosi na zakonodavne prioritete za nivo Federacije BiH, kao i u okviru reforme javne uprave, jedan od 14 ključnih prioriteta je i donošenje Zakona o sprječavanju sukoba interesa. Budući da su organi vlasti na nivou Bosne i Hercegovine takođe u proceduri izrade ovog zakona, Federalni nivo vlasti će sačekati ishod, radi harmonizacije propisa i usklađenosti na svim nivoima vlasti.

Međutim, ukoliko se u narednom period ne donese Zakon o sukobu interesa na državnom nivou, poduzeti ćemo korake na izradi Nacrta zakona o sukobu interesa u Federaciji Bosne i Hercegovine i uputiti ga u daljnu procedure, pa će radna grupa koja bude radila na izradi ovog Nacrta uzeti u razmatranje i Vaš prijedlog.

Co: ✓ Sekretaru Predstavničkog doma Parlamenta Federacije BiH
- Sekretar Vlade Federacije BiH

M.M.



Broj: 13/04-02-3-1604-1/23 S.K.
Sarajevo, 04.12.2023. godine

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/PREDSTAVNIČKI DOM
Tajnik/Sekretar**

n/p Ivan Miličević, tajnik/sekretar

PREDMET: Odgovor na zastupničko pitanje, dostavlja se

Aktom broj: 05/1-02-445/23 od 22.11.2023. godine, prosljedili ste nam zastupničko pitanje koje je postavio Admir Čavalić zastupnik u Zastupničkom domu Parlamenta Federacije BiH, a koje je naslovljeno na Poreznu upravu Federacije BiH.

U prilogu akta dostavljamo odgovor na postavljeno zastupničko pitanje.

S poštovanjem,

Prilog: Odgovor na zastupničko pitanje

Dostaviti:

1. Naslovu
2. U spis
3. a/a



Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 05-12-2023			
Org. jed.	Broj	Priloga	Vrijednost
05/1	-02-	445	123

Broj: 13/04-02-3-1604-1/23 S.K.
Sarajevo, 04.12.2023. godine

N/r gosp. Admir Čavalić, zastupnik

PREDMET: Odgovor na Vaše zastupničko pitanje, dostavlja se

Poštovani,

Porezna uprava Federacije BiH – Središnji ured Sarajevo zaprimila je akt Parlamenta Federacije BiH, Zastupnički/Predstavnički dom broj: 05/1-02-445/23 od 22.11.2023. godine kojim se od Porezne uprave Federacije BiH traži odgovor na Vaše sljedeće zastupničko pitanje: „Zamolio bih za evidenciju iznosa uplaćenih doprinosa po osnovu ugovora o djelu uz naznaku da li se radi o prihodima ostvarenim u državi ili nerezidentnim uplatama:

1. Iznos uplaćenih doprinosa po osnovu zdravstvenog osiguranja po osnovu Ugovora o djelu u periodu od 01.01.2018. godine do 31.10.2023. godine, uz razdvajanje uplata po osnovu prihoda ostvarenih od rezidentnih nalogodavaca i prihodima po osnovu uplata iz inostranstva.
2. Iznos uplaćenih doprinosa po osnovu doprinosa za penzijsko i invalidsko osiguranje po osnovu Ugovora o djelu u periodu od 01.01.2018. godine do 31.10.2023. godine, po osnovu prihoda ostvarenih od rezidentnih nalogodavaca i prihodima po osnovu uplata iz inostranstva.“

Shodno postavljenom pitanju, dostavlja se odgovor:

Za primanja po osnovu drugih samostalnih djelatnosti (privremeni i povremeni poslovi - ugovori o djelu i autorski honorari) propisana je obaveza uplate poreza na dohodak shodno Zakonu o porezu na dohodak („Službene novine Federacije BiH“, broj: 10/08, 9/10, 44/11, 7/13 i 65/13) i uplate doprinosa za zdravstveno osiguranje i doprinosa za penzijsko i invalidsko osiguranje shodno Zakonu o doprinosima („Službene novine Federacije BiH“, broj: 35/98, 54/00, 16/01, 37/01, 1/02, 17/06, 14/08, 91/15, 104/16, 34/18, 99/19, 4/21 i 6/23).

Porez na dohodak od drugih samostalnih djelatnosti shodno članu 57. Pravilnika o primjeni Zakona o porezu na dohodak („Službene novine Federacije BiH“, broj: 48/21, 77/21, 20/22, 57/22, 05/23 i 85/23) obračunava se i plaća primjenom stope od 10% na dohodak koji čini razliku ostvarenih prihoda umanjениh za rashode i doprinosa za zdravstveno osiguranje.

Zakonom o doprinosima u članu 10a. za primanja od druge samostalne djelatnosti propisan je način obračuna i uplate doprinosa za zdravstveno osiguranje na teret osiguranika po stopi od 4% i doprinos za penzijsko i invalidsko osiguranje na teret isplatioaca naknade po stopi od 6%. Nerezidentni isplatioci nisu obveznici obračuna i plaćanja doprinosa za penzijsko i invalidsko osiguranje.

Obaveza poslodavca je da po isplati naknade od druge samostalne djelatnosti dostavi nadležnoj poreznoj ispostavi obrazac AUG-1031- Akontacija poreza na dohodak na prihode od druge samostalne djelatnosti.

Shodno navedenom dostavljamo Vam tabelarni pregled sa podacima iz baze podataka Porezne uprave Federacije BiH, u kojem su prikazani zbirni podaci za period od 01.01.2018. godine do 31.10.2023. godine po osnovu ugovora o djelu, te podaci o iznosu prijavljenih i obračunatih doprinosa za zdravstveno osiguranje i doprinosa za PIO/MIO za rezidentne isplatioce (Tabela 1.) i nerezidente isplatioce (Tabela 2.).

Tabela 1.

Period	Zdravstveno Osiguranje na teret osiguranika	Penzijsko Invalidsko Osiguranje na teret isplatioaca
2018	6.471.488,96	9.702.538,89
2019	6.443.901,78	9.637.571,10
2020	5.908.375,61	8.862.994,08
2021	6.584.559,23	9.876.889,04
2022	7.071.604,74	10.603.419,99
1-10/2023	5.046.830,29	7.570.341,73
UKUPNO	37.526.760,61	56.253.754,83

Tabela 2.

Period	Zdravstveno Osiguranje na teret osiguranika
2018	184.586,20
2019	188.301,64
2020	168.000,03
2021	215.147,02
2022	179.384,27
1-10/2023	126.959,51
Ukupno	1.062.378,67

Ukoliko se radi o obavljanju povremene samostalne djelatnosti (kao što su usluge iz oblasti informacionih tehnologija ostvarenih udaljenim radom za poslodavca u inostranstvu - freelanceri i dr., naučnika, umjetnika, novinara, trgovačkih putnika, akvizitera, sportskih sudija i delegata i druge djelatnosti koje se obavljaju uz neku osnovnu samostalnu ili nesamostalnu djelatnost), a prihod se ostvaruju neposredno iz inostranstva, obveznici su dužni:

- na taj dohodak sami obračunati akontaciju poreza od povremene samostalne djelatnosti, od ukupne naknade po stopi od 10% bez prava na priznavanje

ličnog odbitka, i uplatiti je najkasnije naredni dan od dana kada su primili dohodak;

- izvršiti uplatu zdravstvenog osiguranja na teret osiguranika po stopi od 4%;
- u roku od 5 (pet) dana od dana primitka dohotka predati prijavu Obrazac AMS-1035 Akontacija poreza po odbitku na druge samostalne djelatnosti na prihod iz inostranstva nadležnoj poreznoj ispostavi prema mjestu prebivališta fizičkog lica.

Kod obračuna oporezivog dohotka, porezni obveznik ima pravo na procentualno priznavanje troškova od 20 % od ostvarenog prihoda od povremene samostalne djelatnosti, odnosno u iznosu od 30% od ostvarenog prihoda ili u stvarnom iznosu ako se radi o autorskim naknadama.

Shodno navedenom dostavljamo Vam tabelarni pregled sa podacima iz baze podataka Porezne uprave Federacije BiH, u kojem su prikazani zbirni podaci za period od 01.01.2018. godine do 31.10.2023. godine po osnovu prijave Obrazac AMS-1035 Akontacija poreza po odbitku na druge samostalne djelatnosti na prihod iz inostranstva (Tabela 3.)

Tabela 3.

Period	Zdravstveno Osiguranje na teret osiguranika
2018	451.613,47
2019	789.967,61
2020	1.153.209,64
2021	1.799.085,33
2022	2.701.611,34
1-10/2023	1.998.837,48
UKUPNO	8.894.324,87

S poštovanjem,

Dostaviti:

1. Naslovu
2. U spis
3. a/a



DIREKTOR

Mr.sci. Šerif Isović